

DISSERTATIO MEDICA
INAUGURALIS,
DE
PHTHISI PULMONALI.

QUAM
ANNUENTE SUMMO NUMINE,
Ex Auctoritate Reverendi admodum Viri,
D. GULIELMI ROBERTSON, S.S. T.P.

ACADEMIÆ EDINBURGENÆ Praefecti;
NEC NON
Amplissimi SENATUS ACADEMICI consensu,
Et nobilissimae FACULTATIS MEDICÆ decreto,
PRO GRADU DOCTORATUS,
SUMMISQUE IN MEDICINA HONORIBUS ET PRIVILEGIIS
RITE ET LEGITIME CONSEQUENDIS;
Eruditorum examini subjicit

GULIELMUS CORP,
ANGLUS,

Soc. Reg. Med. Edinb. Socius Extraordinarius.

Ad diem 24. Junii, hora locoque solitis.

EDINBURGI:
Apud BALFOUR et SMELLIE,
Academiae Typographos.

M,DCC,LXXXII.

THE NEW YORK PUBLIC LIBRARY

ASTOR LENOX TILDEN FOUNDATION

500 N. 5TH ST. NEW YORK, N. Y.

1900

1901

1902

1903

1904

1905

1906

1907

1908

1909

G U L I E L M U S C O R P

Viro admodum Reverendo

G U L I E L M O F O O T,

Bristolienſi,

S. P. D.

HOC tibi, amabilis ſemperque venerande Praeceptor, opusculum, exiguum magni quo te proſequor amoris monumentum, conſecrem ſinas. Curam, quam in me admodum juvene ſtudiis liberalibus erudiendo poſuiſti, inſignem, et praecepta, quibus me ad amorem virtutis maturum ſedulus incitaviſti, excellentiſſima, dum memor ipſe mei, nunquam non gratus reminiſcar. Illi, quicquid progreſſus in ſcientia feci, debetur, his, ſi quid fiduciae in me poſthac colloca- verit genus humanum, debebitur. Ut prima enim principia feliciter conjuncta ſtabilitatem materiae comparant, ſic doctrina elementaria vim inſitam promovet, rectique cultus pectora roborant.

Quantopere mortalibus cupiam prodeſſe, ſummum ejus, in ſtudio cujus tantum laboris temporisque conſumpſi, artis momentum, temetiipſo judice teſtabitur, et difficultas ejusdem induſtriam, ſine qua nihil hic proſici poteſt, in poſterum languere haudquaquam patietur.

Quantum tibi debeam, probe memini, lubenſque conſiteor, et ut omnia tibi bona abunde contingant, virtuteſque, quibus es ornatus, numeroſiſſimas remunerentur ſincerus exopto. V A L E.

Dabam Edinburgi,
8vo Calendas Junias 1782. }

THE HISTORY OF THE REIGN OF CHARLES THE FIRST
BY JOHN BURNET
IN TWO VOLUMES
THE FIRST VOLUME
CONTAINING THE REIGN OF CHARLES THE FIRST
FROM 1625 TO 1649
BY JOHN BURNET
IN TWO VOLUMES
THE SECOND VOLUME
CONTAINING THE REIGN OF CHARLES THE FIRST
FROM 1649 TO 1660
BY JOHN BURNET

THE HISTORY OF THE REIGN OF CHARLES THE FIRST
BY JOHN BURNET
IN TWO VOLUMES
THE FIRST VOLUME
CONTAINING THE REIGN OF CHARLES THE FIRST
FROM 1625 TO 1649
BY JOHN BURNET
IN TWO VOLUMES
THE SECOND VOLUME
CONTAINING THE REIGN OF CHARLES THE FIRST
FROM 1649 TO 1660
BY JOHN BURNET

DISSERTATIO MEDICA,

INAUGURALIS,

DE

PHTHISI PULMONALI.

OMNIUM est, qui animos ad studium medicinae adjungunt, conjecturalia, quatenus fieri possit, certa efficere, pro virili conari. Hoc, ubi tot fundamento parum stabili innituntur, praestare posse, mihi in primis gratum foret. Caeterum super argumento, quod exequendum suscepi, nihil praeter conjecturas rationales in medium valeo proferre. Hae vero saltem, uti spero, in opusculo, quod sum conscrip-
turus, semet ostendent.

A

Ratiocinii

6 DE PHTHISI PULMONALI.

Ratiocinii quidem magnopere indiget medicina ; aliquando enim, causis morborum obscuritate involutis, experientia sola, quidnam factu sit optimum, nequit judicare. Ubicunque igitur deficit experientia, eorum, quae morbos excitant, naturae investigatio, ut in idoneam curandi viam procedatur, saepe facit. Etenim, Celso iudice, naturae rerum contemplatio, quamvis non medicum faciat, aptiorem tamen medicinae reddit.

Contemplatio hujusmodi in natura phthiseos pulmonalis indaganda admodum necessaria esse videtur ; medici enim hoc in morbo parum haecenus auxilii afferre potuerunt.

CAUSÆ REMOTÆ.

Obstructio et inflammatio.—Hi ad phthisin pulmonalem in primis proclives sunt, quibus corpus deforme thoraxve justo angustior.

gustior. Hic morbus quidem a labe inge-
nita plerumque oriri solet. Hanc autem
designant forma gracilis, collum longum,
scapulae in morem alarum eminentes, tho-
rax angustus, color decorus, cuticula mollis,
genae quasi verecundo rubore suffusae, den-
tes albidi pellucidi, tempora cava, processus
ossis sacri insigniter prominentes.

Hae notae temperamentum indicant, quod
pulmones obstructioni et inflammationi ad-
modum opportunos efficere solet. Ex his
autem causis duabus, quae proclivitatem ad
phthisin manifeste faciunt, illa saepius ad-
esse videtur; namque in cadaveribus phthi-
si extinctorum, tumores pulmonum, qui
humoribus iter negant, et tubercula appel-
lantur, parvuli plerumque reperiuntur.
Quod huic opinioni plus fidei conciliare
debet, Boerhaavius et interpretes ejus illuf-
tres pro causa phthiseos remota praecipua
obstructionem habent. Potest chylus, in-
quit Swietenius, non satis elaboratus, actione
viscerum primae coctionis, peccare viscidit-
ate nimia, praecipue si talia ingesta fue-
rint,

8 DE PHTHISI PULMONALI.

rint, in quibus lentum gluten abundat, qualia sunt farinacea non fermentata, juscula meraciora, in primis si ex animalium partibus extremis parata fuerint. Quinetiam Mortonus affirmat, primum stadium phthi-
seos oriri ex pulmonum infarctione a fero sanguinis inibi copiose secreto; ex tumore renitente, praesertim in partibus pulmonum glandulosi, ab eodem fero partes ipsas nimis distendente, et difficilem exitum trahente.

Obstructionem vero non causis modo comprehensis, sed potius structurae pulmonum, situm per angustum nimis arctae redditae, vel alicui vasorum minimorum constrictioni, tribuendam puto. Multos quidem in annos, nisi diathesis phlogistica oriatur, innocuae manere possunt obstructiones. Hujusmodi sunt eorum, qui labe ingenita laborant, propriae, quae nonnunquam, aetate adhuc tenerrima, formari solent; sed, donec id vitae, quo summa plenitudo subsit, tempus accedat, vel alia causa
diathesin

diathesin phlogisticam moveat, nec inflammantur, nec purulentae evadunt *.

Cullenus, in primis doctus et sagax, in praelectionibus suis, tradit puerum, octo annos habentem, curae suae demandatum esse, cujus pulmones, quanquam non purulenti forent, tuberculis affici credidit, quod mater eo gravida phthisi pulmonali laboraverat.

Rem ita sese aliquando habere, demonstrant incisiones; tubercula enim in pulmonibus mortuorum reperta, qui vivi nunquam phthisi correpti sunt. Hoc autem rarius esse videtur; auctum enim obstructionis tumorem partis prognerare opinor, qui manendo stimulus loco proprius fit, semetipsum in statum purulentum, sine auxilio diathesis phlogisticae, vertere valens. Hinc inflammatio universa locove propria
ad

* Cullenus illustrissimus memoriae prodit, phthisin a tuberculis pendentem et haemoptysin eodem vitae tempore, cum maxima nempe in corpore plenitudo dominatur, invadere solere. Sub hoc quidem vitae stadium diathesin phlogisticam maxime vigere compertum habemus.

ad phthisin excitandam necessaria esse videtur.

Indoles tuberculorum singularis esse videtur; namque pus non ei, quod in abscessu phlegmones communis reperitur, simile, sed acre prognerant, quod non tantum pulmones, sed febrim hecticam movendo, totum corpus confumit. Si igitur tubercula ejus phthiseos, quae a labe hereditaria proficiscatur, causa sint, ratio, cur citius seriusve morte finiatur, manifesta. Cullenus refert acrimoniam forsitan, quae in ulceribus tuberculorum se ostendit, ante tubercula ipsa adesse, et ea revera prognerare. Hoc aliquando, ob causas postea enumerandas, verum est; sed tubercula ab obstructione sola, quae morando acrimoniam facit, nonnunquam oriri putamus. Hinc partes, quae diu schirro laboraverunt, virus carcinomatis acre progignunt.

Quanquam phthisis illos, qui sponte naturae ad eam proclives sunt, plerumque corripit; alios tamen, forsitan ob causas quae tuberculis, abscessui, ulceri, ulcusculis-

ve pulmonum sunt amicae, occupare potest. Ex his, in Synopsi sua Nosologica excellentissima, multas recensendas curavit Cullenus. Quas omnes exequi opusculi hujuscemodi brevitās vetat; sequentes vero, haemoptoe scilicet, pneumonia, catarrhus, asthma, exanthemata, scrophula, metastasis puris, silentio non praetereundae videntur.

Haemoptoe.—Haec phthiseos causa admōdum frequens est; cur vero ita accidat, nos magna ex parte latet. Inflammationem loco propriam nimiam faciendo, morbum excitare videtur.

Aliquantum inflammationis ad vas sanguiferum disruptum sanandum necessarium est, quod inflammatio *adhaesiva* appellari solet. Haec saepius limites justos egredi, membranas vicinas afficere, et in inflammationem *suppurativam* verti, notatur. Hoc, vase pulmonum rupto, praesertim si bene amplum sit, incidere posse facile credes, si actionem pulmonum nunquam cessantem, sine qua respiratio nequit exerceri, vulnus tenerum irritando, ad inflammationem hujusmodi

jusmodi movendam plurimum manifeste conferre, tecum reputaveris. Si post majoris vasis, inquit Swietenius, rupturam valida fuerit haemoptoe, quandoque contingit ut illud vulnus non consolidetur, nisi levi suppuratione praegressa, uti in aliis vulneribus externis videmus contingere, in quibus sub bono pure labia vulneris uniuntur, et perdita recrescunt. Idem post haemoptoen quandoque accidit; verum tunc parca copia sputi purulenti prodit, per paucos dies tantum, et brevi minuuntur haec sputa, cessantque integre, postquam vulnus est consolidatum. Si vero haec suppuratio diu maneat, et sputorum copia augeatur potius quotidie, tunc non est signum levis suppurationis quae consolidando vulnere inservit, &c.

Talem conditionem suppuratoriam, qualem modo comprehendere, facilius incidere credo, quod pulmones ante vasis rupturam ad inflammationem sponte sua inclinant; namque haemoptysis, annum aetatis decimum sextum inter et trigessimum sextum, quo

quo tempore universum systema maxime plenum sit; invadere, uti omnes norunt, periclitatur. Caeterum, quanquam vasis rupti inflammatio non ita, ut suppurationem faciat, concitetur; margines tamen vulneris ipsius callosos reddendo sanationem ejus impedire, vel latius diffusa partes vicinas duras efficere, hocque tuberculorum fundamentum jacere potest. Etenim ab haemoptysi multos per annos immunes in phthisin pulmonalem frequenter incidere, compertum habemus. Ea haemoptysis vero, quae in phthisin plerumque definit, a labe naturali congenitaque, aequè ac phthisis ipsa, oriri videtur. Cullenus illustris haemoptysin nonnullis in exemplis ab universa corporis plenitudine, sed saepius a ratione, quae inter pulmonum reliquique corporis amplitudinem intercedit, vitiosa, proficisci affirmat. Hi igitur huic morbo in primis opportuni sunt, quibus formae graciles, quibus scapulae prominent, quibus thoraces coarctantur. Haec habitum phthisicum haud dubie designant, et in causa sunt, cur haemoptoen nunquam sponte oriri, praeterquam in

iis, quorum pulmones ad phthisin eodem tempore propendent, opiner. Mihi persuasum est, tubercula pulmonibus eorum, qui phthisi, ob vitium hereditarium corporisve deformitatem, pulmonali conflictantur, nunquam deesse. Quocirca credibile est, *spontaneam* haemoptysin per tubercula moveri, quod cur haemoptoe hujusmodi saepius, quam causis fortuitis, quales sunt corporis concussio et exercitatio nimis violenta, excitata, phthisi finiatur, exponit.

Aliquando vero acrimonia sola, ut syphilitica, scrophulosa, et scorbutica, vasa pulmonum forsitan erodendo, haemoptysin, tandemque phthisin, valet progenerare. Phthiseos ab hoc fonte profluentis curatio difficilior. Si enim, ut Swietenius ait, difficilis est consolidatio rupti vasis in pulmone per causam violentam, et saepe inde sequitur ulcus pulmonis, quanto magis hoc metuendum erit, ubi vasorum erosio non vulnus fecit, sed ulcus?

Pneumonia.—Cum pleurae inflammatio aliquamdiu mansit, pus plerumque generatur,

tur, quod vel in cavum thoracis vel pulmonum viam sibi patefacit. Si pus acrimoniae expers in pulmones, qui ad phthisin non sunt proclives, ingrediatur, extuffiri, nullo morbo subsequente, potest. Cum pneumonia sit morbus, cui robusti saepe patent, hoc modo salutari nonnunquam finitur. Si exitus hujusmodi sit futurus, signa morbi sputum semper levabit. In pulmonis morbo, inquit Celsus, si sputo ipso levatur dolor, quamvis id purulentum est; tamen, si aeger facile spirat, facile excreat, morbum ipsum non difficulter fert, potest ei secunda valetudo contingere. Quinetiam Boerhaavius eadem super re quod sequitur profert: ‘Phthisis in qua subito rumpitur vomica, expuitur pus album, coctum, aequale, facile, respondens copia ulceri, sine siti, cum appetitu, digestionem, secretionem, excretionem bonam, difficulter quidem, tamen sanari potest.’

Si vero pus in pneumonia generatum in sacco proprio cavove thoracis diu maneat, potestatem plerumque, dotibus ejus mitibus

ex toto mutatis, erodendi sibi acquirit. Pulmones igitur tandem affici possunt, et inveterata et insanabilis phthisis in iis, qui ante ex toto sani validique fuerunt, excitari. Quocirca in valentioribus vis abscessus pneumonici corrodens sola metuenda. Pneumonia vero phthisin saepius videtur movere, quam mortales ei opportunos efficere. Hanc ob causam, morbum in iis solis, qui, ad eum sponte naturae sunt proclives, facere solet.

Jam dixi, non ambigi posse, quin tubercula in pulmonibus eorum, qui ob labem hereditariam corpusve deforme, phthisi laborant, nunquam non adsint. Igitur, cum pleura praesertim, arcte pulmonibus circumdata, in pneumonia inflammari periclitetur, ratio non deest, cur unum plurave horum tuberculorum in inflammationem quoque abire ponas. Quod si incidit, facile purulenta et ulcerosa evadere possunt.

Catarrhus.—Hic phthisin admodum frequenter praecedat. Quapropter summam ad eam proclivitatem dare vulgo fuit existimatus. Eum vero phthisin tantum excitare

citare opinor. Si enim tubercula subsint, tussis catarrhi propria, agitando pulmones, ea valet inflammare, et tandem purulenta efficere. Catarrhus gravissimus, a frigore aliquo modo ad corpus applicato, semper proficiscitur, quod quoque plerumque est pneumoniae causa. Igitur admodum probabile graviorem catarrhum plus minusve pneumonicae inflammationis sibi adjunctum semper habere, quae, ut supra fuit comprehensum, ad phthisin movendam non parum confert. Si catarrhus igitur unquam revera phthiseos fundamenta jaciat, *i. e.* si unquam pro seminio haberi debeat, creandis tuberculis ita facere judico. Caeterum phthisin, praeterquam in iis qui ad eam sunt proni, rarissime facit. Frequens distillatio, inquit Celsus, in corpore tenui longoque, tabem timendam esse testatur.

Licet catarrhus, ut homines tabi pateant forsitan non faciat, causam tamen excitantem esse, scire non incommodo est; hoc enim adducti catarrho etiam levissimo in
iis,

iis, quibus feminium inesse suspicemur, mēderi pro virili conabimur.

Asthma.—Hoc, cum phthisin progēnerat, spasmoticum esse opinatur Cullenus. Credibile est, paroxysmos asthmatis spasmotici reiteratos ad tabem faciendam nonnihil posse conferre, quod, pulmonibus frequenter constrictis, vasa eorum sanguifera minima impervia reddi, et tubercula inde oriri periclitantur. Asthma nonnunquam igitur phthiseos feminium praebet; eam vero forsitan saepius excitat.

Exanthemata.—Ex omnibus hisce, rubeola phthisin saepissime facit. Utrum vero hoc in ullis, praeterquam in iis quibus insit feminium, necne praestet, parum certum esse videtur. His autem phthisin tubercula inflammando inferre videtur rubeola; affectu enim catarrhali et phlogistica diathesi insignibus stipatur. Idcirco, in morem causae excitantis agit, et forsitan quoque repulsa per acrimoniam tubercula gignit, et ita feminium morbo suppeditat. Cullenus celeberrimus, morbi phaenomenis cadaverumque

daverumque incisionibus attente considerata, non improbabile esse confitetur, omnia exanthemata phthisin, materiam, quae primum omnium tubercula creat, praebendo, movere.

Scrophula.—Ex universis causis remotis, haec forsitan maxime communis. Temperamenta scrophulosum et phthisicum propemodum idem esse videntur. Namque olim multae occasiones cadavera eorum, qui phthisi fuerant mortui, incidendi, mihi ministratae sunt, in quibus omnibus non tantum pulmonum tubercula et ulcera, sed nonnullas quoque e glandulis lymphaticis vel mesentericis, morbidas offendi. Igitur non deesse videtur unde debeat cogi, materiam scrophulosam pulmones afficere, et tubercula in iis faciendo seminium phthiseos posse dare.

Metastasis puris.—Quod pus in aliquam corporis partem fuit inclusum, id nonnunquam ad aliam potest transferri. Cullenus fatetur, pus vomicae alium ad locum devehisse; eodem tempore notans, non pauca
memoriae

memoriae exempla esse tradita, ubi pus ad oculos translatum, vel absorptum et, una cum stercore et urina evacuatum. Memet puris translationem saepius semel vidisse existimo. Etenim quosdam, qui fistula ani laboraverant, et incisionem chirurgicam, quae in auxilium ejus mali saepe prompta est, subierant, quanquam vulnus ex toto fuit sanatum, et ipsi ne minima quidem ex parte ad phthisin pulmonalem proclives esse, sunt visi, tussi et feбри hectica spatio brevi correptos, phthisique extinctos, esse notavi. Eventus autem hujusmodi nequit exponi, nisi puris fistulae particulas absorptas, et ad pulmones devectas fuisse, ponere liceat.

Omnes fere causas, quas enumeraverim, vim excitantem habere, et inflammationem tuberculis inferendo, ea in abscessus vel ulcera vertere opinor. Conditio autem pulmonum hujusmodi causam phthiseos proximam frequentissimam constituit. Nulla igitur est hujus morbi, a nosologis tradita, definitio, quae magis simplex aut idonea quam Culleniana videtur. ‘ Corporis emaciatio

eiatio et debilitas, cum tussi, febre hectica, et plerumque expectoratione purulenta.'

Proximum est ut historiam phthiseos quam paucissimis absolvam.

PROGRESSUS MORBI.

Hunc autem tria in stadia dividere non alienum esse videtur.

I. Hoc *spatium inflammationis* comprehendit.

Signa sub initium phthiseos adeo lenia sunt, praesertim si catarrhus adfit, ut phthifici ipsi, quonam morbo laborent, saepe ignorent. Caeterum eos tandem, praesertim noctu, exercere incipit sicca vel humida tussis. Ictus arteriarum numerosiores et duriores evadunt, et dolores thoracem quasi lancinantes invadunt, qui altero latere nonnunquam ex toto circumscribuntur, adeo ut in id decumbere nequeant aegroti. In

C

plantis

plantis volisque calor sentitur. Ægrotantes vexant spiritus difficilis, fitis, alvus dura.

II. Hoc *debilitatis spatium* continet.

Hoc tempore pulsus arteriarum celeres et debiles, cum auctu caloris sub meridiem, febris hecticae exacerbationem designant, quae vespere repetens et per noctem urgens, summo mane, sudore oborto, decedit. Quod urinae excernitur, id colorem magis, quam ante, rubrum habet; quod extussitur, purulentum; anima foetet; corpus marcescit; vires convelluntur.

III. Hoc *putredinis colliquefacientis spatium* comprehendit.

Sudores nunc magis frequentes et liberales evadunt. Oculi concavi fiunt, vel in orbitas suas quasi semet retrahunt; tunica adnata albedinem, margaritarum propriae non absimilem, ostendit. Nasum acutum redditur; juventa fugit; et, si duo exigua genarum summarum spatia excipias,

verecundus color

Reliquit ossa pelle amicta lurida. HOR. *Epod.*

Pili

Pili tandem fluunt, ungues incurvantur, alvus solvitur, crura tument, aphthae semet diffundunt, et denique, sputo imminuto, dejectio frequens et foetida mortem accelerat.

Quanquam signa varia, quae stadiis diversis comprehenduntur, gradus tantum ejusdem morbi diversos existimantur designare; primi tamen stadii propria phthisin strictè dictam adesse minime indicant. Morbus igitur, quem phthisin accurate loquens appelles, revera non adest, vel rem ita se habere, donec stadium accesserit secundum, pro certo statuere nequis.

Puris e pulmonibus excreatio phthisin adesse demonstrare putatur. Viscidum mucum vero a pure, ut bene notavit Sydenhamius, primo intuitu fecernerè minime facile. Pus, auctoris modo positi judicio, in ignem conjectum foedum emittit odorem, et in aquam immissum fundum petit. Hoc pus inter et mucum discrimen Celsi verba videntur firmare. ‘ Quicquid, nempe, in phthisi vera, excreatum est, si
in

in ignem impositum est, mali odoris est. Itaque, qui de morbo dubitant, hac nota utuntur.' Hoc vero difficultatem minime tollit; odor enim puris et mucii ardentium vix ullo modo pro certo potest dignosci. Huic obscuro lucem offundendi studio adductus, juvenis ingeniosus Carolus Darwin quaedam experimenta, prioribus forsitan certiora, instituit, quae lectores, si plura super hac re velint cognoscere, debent adire.

Caeterum, ex omnibus signis in stadio secundo commemoratis, certissimum, me iudice, phthiæos indicium est *febris hectica*; quoniam totum per decursum pure nonnunquam caruisse narratur phthisis. 'Pus in plerisque, inquit Morgagnius, nec raro, ea copia fuisse invenies, ut pulmonem repleret, et infarciret: Contra, in quibusdam, vix puris vestigium; imo in quamplurimis, a quodam chururgo dissectis, ut in Sepulchreto legeris, nihil.'

Utcunque vero haec res sese habeat, medici prudentis erit signa primi stadii prophthificis,

phthificis, *i. e.* stadii alterius propria facere valentibus habere, quod majoris momenti est scire statum pulmonum inflammatorium phthisin esse facturum, quam conditionem eorundem purulentam morbum revera constituere. Remedia igitur stadium per primum sunt potissimum adhibenda, et si naturae causae remotae debent accommodari, hoc tempore solo proderunt. Namque, phthisi inveterata, ratio medendi, a quacunque causa remota morbus fuerit profectus, erit magna ex parte eadem. In primo morbi stadio, vel pulmones ipsi eorumve membranae inflammantur. Rebus ita se habentibus, si morbus a causa singulari, viro nempe venereo, oriatur, ad mercurium; sin aliter, ad viam curandi antiphlogisticam, confugi debet. In hanc praefertim oportet procedatur, quod nulla remedia specifica, quae inflammationem ab acrimonia ortam, si eam quam virus venereum faciat excipias, pro certo depellere possunt, adhuc innotuerunt.

RATIO

R A T I O M E D E N D I.

Consilium autem medendi praecipuum, *stadio primo* substante, est diathesin phlogisticam omni ratione removeri conari.

Huic accommodantur sequentia.--Æger diaeta e vegetabilibus et lacte constante utatur, liquores fermentatos refugiat, aquam bibat. Fructus subacidos, praesertim aurantios, liberaliter assumat. *Melonem*, ob vim refrigerantem, multo cum commodo praecepi. Mihi quidem potestatem fructuum refrigerantem potius, quam antisepticam, phthisi incipiente laborantibus prodesse, est persuasum. Insuper, fructus vi laxante alvum astrictam, quae aegrotum exercet, et ad inflammationem systematis augendam vel sustinendam non parum confert, solvendo hoc morbi tempore juvant. Si defunt, in eorum locum substituantur laxantia leniora.

Ex remediis optimum esse videtur sanguinis detractio; sed modica sit et saepe reitetur.

retur. Omnes sales medii refrigerant; et igitur ad impetum sanguinis imminuendum, et ad cursum humorum superficiem versus faciendum, accommodantur.

Refrigerantia progressum incipientis phthiseos retardare existimans, effectus *florum lactis glacie congelatorum* periculum facere decrevi. Virgo autem generosa, quacum familiaritas mihi intercessit, remedium, ejus sponte sua cupida, liberaliter sumpsit, phthisi primi stadii laborans, et, nullius monitu, ad id praesertim decucurrit, quoties ei molestiae fuerunt calor, fitis, tussis, dyspnoea. Hoc modo haec signa constanter depellere solita est, et in praesentia, valetudine commodissima fruitur.

Potionem admodum frigidam inflammatione cujuslibet viscerum laborantibus noxae esse, plerique notarunt. Caeterum, effectus frigoris parum certos esse, experientia demonstrat, et exemplum modo memoratum axiomati generali plane adversatur. Remedium igitur non indignum est, cujus plura facias pericula. In hanc vero celebris

bris Morgagnii sententiam lubens concedo, ' Ut in caeteris morbis, ita in hoc quoque, non omnia omnibus auxilia profunt.' In observationibus clari Mutzel, medici Bero-
linensis, adolescentulam phthisi incipiente cucumeribus, pane, frigidaque victitando, liberatam esse narratur. Huic alimento vis refrigerans haud dubie inest, quae anti-phlogistica appellari bene meretur.

Opium tussis levandae, evacuationibus idoneis prius adhibitis, caute dari potest, quanquam inflammationem augendo laedere existimatur. Pulmones enim, meo iudicio, magis tussiando, quam opio, irritantur et inflammantur. Sédulo conandum est, inquit Sydenhamius, post evacuationes, ut tussis sedetur, ne pulmones jugi agitatione infirmiores evadant. Proinde hic medicus celeberrimus syrupum de meconio, quod ei in primis videtur placuisse, adhibere consuevit.

Si tussis non admodum graviter urgeat, medicamentum, quod subsequitur, prodesse semper compertus sum.

R. Mucilaginis

℞ Mucilaginis Sem. Cydon. modice spissae, uncias septem,
 Syrupi de moris unciam unam,
 Elixir vitrioli acidi drachmam unam,
 Tincturae thebaicae guttas viginti.

Fiat mistura, cujus cochleare plenum fa-
 pissime, potissimum urgente tussi, delingatur.

Epispastica thoraci admota, perpetua red-
 dita, et fonticuli, molem humorum grada-
 tim imminuendo, in morbum posse existi-
 mantur. Antiquiores in hanc sententiam
 iverunt. Exulcerandus est, ait Celsus, fer-
 ro candenti, uno loco sub mento, altero in
 gutture, duobus ad mammam utramque;
 item sub imis ossibus scapularum, quas
 ἀμοπλατας Graeci vocant, sic, ne sanescere ul-
 cera sinamus, nisi tussi finita.

Utrum emetica hoc morbi stadio dari
 necne debeant, ambigi potest. Ea vero
 Mortonus, cujus verba sequuntur, laudibus
 effert. ‘ Hoc ritu non tantum plurimos
 empiricos vidi, cum successu felici sese om-
 nem incipientem phthisin curaturos glori-
 ari, verum etiam ego ipse ratione et expe-
 D rientia

rientia fretus, saepissime phthiseos incipientis progressum, eodem modo, brevi temporis spatio, praepedivi. Ista vomitio tertio vel quarto quoque die, ad tres vel quatuor vices, repeti possit.' Si remedia hujusmodi hoc morbi tempore unquam sunt utilia, hoc, me iudice, cursum humorum ad superficiem faciendo praestant. Hinc in peripneumonia nuper praecepta sunt; cum vero ad ea nec in eo morbo, nec in primo phthiseos stadio, decurrere ausus sim, virtutes eorum silentio praeteream oportet. Si vero sub initium phthiseos adhibentur, nauseam tantum, non plenam vomitionem, moveant. Impetus humorum superficiem versus facti commodum firmat omnium medicorum experientia. Nonnulli etiam ad balneum calidum confugiunt. Se hoc non sine fructu usum esse, affirmat Foart Simmons. Ter quaterque, iudicio Celsi, die vehementer extremae partes perfricandae sunt: Interpositis denis diebus, demittendus aeger in folium est, in quo sit aqua calida et oleum.

Vehiculo

Vehiculo vel navicula gestentur aegroti, equitatione modica utantur, loca mutant, et potentiae aëris nimis frigidi, indusia lanea gerendo, obsistant. Refert eorum vocem non nimis tollere, et omnes animi affectus vehementiores vitare. A negotiis, inquit Celsus, abstineant, omnibusque rebus quae sollicitare animum possunt.

Licet vero morbo occurrere medicus pro virili contendat, tubercula saepissime purulenta evadunt, et phthisis stricte dicta excitatur.

Consilium medendi, *stadio secundo*, quod spatium debilitatis comprehendit, *substante*, est diathesi phlogisticae etiamnum occurrere, et vires quoque systematis sustinere.

Quanquam systema pulmonum exulceratione morbique progressu magis debile nunc redditum est; aliqua tamen ex parte eidem curandi viae supra comprehensae insistere debemus. Quod, quamvis alia tubercula purulenta evaserunt, alia tamen forsitan tantum inflammantur, quae, si in
usu

usu remediorum antiphlogisticorum perstat, purulenta fieri prohiberi possunt. Quo magis enim, ut opinor, puris formationem impedire, eo magis gravitatem morbi et magnitudinem minuere valebimus. Haec medendi ratio admodum conveniet, si inflammatio phthysicorum concitior ad sanationem ulcerum, uti Cullenus judicat, retardandam plurimum conferat.

Quanquam vero ratio antiphlogistica ex parte idonea esse potest; diaeta tamen plenior, quam per stadium superius, aegrotis nunc magnopere debilitatis, haud dubie adhibenda. Mulier loco honesto nata, quae ex altero phthysicos stadio convaluerat, mihi narravit medicum Bristoliensem ei carnem bubulam sine condimentis tostam unoquoque mane pro jentaculo praecepisse. Quint etiam Foart Simmons affirmat, quemlibet cibum animale levem, etiam sub initia morbi, modice sumptum, et diaetae lacteae vegetabilique adjunctum, magis prodesse, quam eodem ex toto abstinere. Per primum vero morbi stadium, signa inflamma-

tionis

tionis eo plerumque augeri; sed ab usu ejus per alterum modico nihil noxae unquam oriri notavi. Quocirca hoc in studio, praesertim finem ejus versus, quodlibet alimenti genus, aegroto gratum et modice sumptum, si non turbet ventriculum, tuto potest concedi. Namque, cum corpus hoc tempore constanter rapideque debilitetur et consumatur, constanter et pro rata parte nutriatur omnino necesse est. His modo positis omnino respondent verba Lucretii sequentia.

Nec refert quicquam, quo victu corpus alatur,
 Dummodo quod capias concoctum didere possis
 Artubus, et stomachi humectum servare tenorem.

In sententiam medici Bristolienfis supra dicti non ire non possum, cibum animaleman semper assumi debere, quod eo tempore febris hectica plerumque abest.

Hoc morbi tempore, si modo fieri posset, pus, quod ulceribus apertis, iisve, quae nondum sunt rupta, tuberculis continetur, emendare et corrigere in primis utile foret.

Caeterum

Caeterum magnopere dolendum est, quod nulla antidotus adversus hanc animalis veneni speciem efficax adhuc reperta est, mortalibus omni seculo tantopere exoptata; tali enim sola forsitan phthisis, quae tot hominum millia crudelis rapit, pro certo tolli et extinguere potest. Ea est puris abscessus phthistici natura venenosa et acris, ut causa irritationis universae potens esse videatur. Hanc ob rationem, quaedam febris hecticae, ut compertum habetur, signa leviora, antequam pus expui incipit, id est, dum adhuc sacco proprio, rupturae experte, continetur, semet ostendunt. Hinc concludam necesse est, hanc febris speciem a debilis systematis irritatione proficisci, et, licet haec conditionis pulmonum morbidae tantum nota sit, summam tamen nostram attentionem desiderare. Haec febris etenim, diu manendo, ad vitam perdendam per semet sufficeret; et quidem mihi persuasum est, effectus ejus potius, quam tabem pulmoneam, aegrotum extinguere. Ut phthisis, inquit Junckerus, non accelerat mortem, sed febris hectica,

phthisi

phthisi superveniens ; sic, quo frequentius hecticae exacerbationes recurrunt, eo celarius aeger opprimitur ; et quo magis phthisi sine febre hectica sibi quasi sola constat, eo diutius patiens vivere potest. Cum igitur non opis sit nostrae pus abscessus ulcerisve phthisici corrigere, quantum in nobis est conandum effectus irritationis, febrem nempe hecticam, ejusque sequelas, praecavere vel imminuere.

1. Effectibus irritationis *pulmones ipsos levando* obfisti potest.

Hoc consilio igitur pus, quod jam collectum est, cum primum evacuare conandum est. Hæc ratione pus, quod alioquin absorberetur, expelletur, et pulmonum, totius forsitan systematis, irritatio saltem imminuetur. *Emetica*, utpote quae bronchia detergeant, cursumque humorum ad vasa externa faciant, huic consilio optime accommodari videntur. Hoc modo non tantum ulceris virus, sed congestio quoque in pulmonibus facta imminui potest. Dr Foart Simmons memoriae prodit, se effectus horum

rum

rum remediorum bonos esse expertum, etiam tussi, pure extussito, caloribus, appetitu prostrato, et quibusdam aliis signis exitum funestum praesagientibus. Ufu eorum mala aliorum multum levata, aliorum ex toto depulsa. Gilchristius celebris commodum, quod phthifici a navigatione deducunt, nauseae quam excitat tribuit. Dum pus, quod in pulmonibus coit, minuimus, tussim quoque, quae alia irritationis loco propriae causa est, levamus. Igitur bis singulis hebdomadis vomitionem radice ipecacuanhae vitriolove albo excitare conveniet. Nonnulli ulcera pulmonum balsamis, velut Peruviano, Tolutano, copaiba, et gummi myrrha, vel nitro admista, vel omnis misturae experte, detergere conati sunt. Tempore Sydenhamiano, ad ulcera curanda plerique medicorum animum adjunxerunt, et huic consilio inservire existimabatur terebinthina et opobalsamum. Quinetiam Celsus decocto marrubii, resinae terebinthinae pars dimidia, butyri et mellis partes duae, addantur suadet. Caeterum phthifici his remediis

remediis calefacientibus saepe laeduntur. Igitur vapores calidae inspirando pulmones levare praestat. Hisce vaporibus utantur aegroti horis dierum, quibus emetica non capiunt, matutinis, sed nec in lecto, nec in cubiculo nimis arcto et calido, ne sudatione, quae oriri periclitatur, infirmiores reddantur. His forsitan propositis, similibusque, pulmonibus ipsis succurrere valebimus.

2. Effectibus irritationis *per medicamenta*, quae in *systema universum* agunt, occurri potest.

Huic consilio plurimum accommodantur remedia, quae vires systematis, quae nunc rapide labuntur, renovant et corroborant. Namque, quo magis debile, eo magis irritabile est systema. Cortex Peruvianus, qui multis in morbis vigorem corpori restituit, hoc phthiseos tempore dicitur nocere. Non-nihil vero prodesse matutinos sudores inter et meridianam febris hecticae exacerbationem datum existimo. Spiritus vitrioli acidumve elixir, utpote quod ventriculo to-

E

num

num comparet, si liberaliter sumi potest, systema totum juvat.

Ex universis vero medicamentis, quae systema minus irritabile reddunt, *opium* est potentissimum. Spasmos, dolores, tussim phthificam, et multa alia signa, quae nonnullos morbos comitantur, plane sedat. Igitur non alienum esse videtur exacerbationem febris hecticæ eo minuere conari. Huic medendi viae objici potest, quod phlogisticam diathesin et sudores augere periclitatur. Caeterum, nec diathesin phlogisticam, nec sudores, eo adhibito, ingravescere notavi, idonea regularum in primo morbi stadio, subque hujus initia, propositarum ratione habita. Si diathesis phlogistica concitior, et sudores magis liberales evadant, hoc non aequè usui opii, ac progressui morbi insanabilis spontaneo,tribuendum existimo. Igitur, cum mecum quam ancipitia alia medicamenta, quamque fallacia alia forent, saepe serio reputavissem, systema minus irritabile opio efficere tandem conatus sum. Medicamentum autem sequens, omni
vespere,

vespere, horam ante reditum exacerbationis hecticæ fumendum, et sub mediam noctem repetendum, praecepi.

℞ Gummi Arabici pulveris,

Sacchari purissimi \overline{aa} drachmam unam,

His bene solutis, ex aquae purae fescuntia, adde

Tincturae thebaicae guttas triginta,

Elixir vitrioli acidi guttas viginti,

Ut fiat haustus. Opium pro re nata adaugeatur.

Hoc remedium a duobus stadio phthiseos secundo laborantibus constanter, et cum prospero successu, fuit adhibitum. Cubicula quidem praeter consuetudinem refrigerata, aegroti leviter operti, et cum primum sudores accedere coeperunt, surgere iussi. In aliquot hebdomadas, tussis fuit minus molesta, exacerbationes febris hecticæ minus evidentes, sudores minus copiosi. Spes summa salutis affulsit. Brevi vero omnia in pejus ruerunt. Morbus prius gravior, deinde gravissimus factus, et aegroti denique rapti.

Operae pretium hoc in loco videtur notare, utrumque aegrotum phthisi a labe haereditaria

reditaria proficifcente laboraviffe. Cum vero ad alterum hujus morbi ftadium ventum eft, medicina nihil aliud, me judice, valet, quam fignorum gravitatem nonnunquam levare, et vitam producere. Si vero mens humana, ut quibusdam philofophis placet, magis magisque excoli conftanter pergat, aliquis forfitan reliquis mortalibus fortunatior remedium in auxilium hujus et omnis alius phthifeos fpeciei promptiffimum tandem reperiet.

Nihil tam difficile, quin quaerendo investigari poffit.

TERENT. *Heaut.*

Tres anni aut circiter funt elapfi, ex quo opii feci periculum. Nuper vero fententia, in quam fuper efficacia, qua heceticam irritationem compescit, iveram, multum firmata eft. Mulier enim generofa, cum qua amice familiariterque vivo, habitu phthifico debilitate permagna laboravit, et quam tuffis non multum moleftiae ei faceffivit, fpiritus difficilis fuit, et tantum fingulis

his noctibus sudavit, ut stragula permadere consueverint, sudatione et diarrhoea nonnunquam alternantibus. Cum in somnum incidere non posset, vir illustris Dr Stuartus Threipland opii extractum ei praescripsit, quod, licet non multum somni ei comparaverit, praeter spem tamen vel sudores ex toto sustulit, vel saltem imminuit. Opio omisso, sudores pro certo repetiverunt. Dum haec scribuntur, id ut remedium, quod unicuique vitae suae solatium est, laudibus effert.

Quod virtutem modo comprehensam opio inesse satis evidenter demonstrat, id est, utilitas ejus in morbis exanthematicis insignis, ubi ad irritationem, quae in systemate tantopere invalescit, imminuendam plurimum confert. Exemplum hujus in variola, rubeola, &c. habemus. De eo modum in sequentem differit Cullenus eruditus: ‘ I think, further, that, in all the exanthemata, there is an acrimony diffused over the system, which gives a considerable irritation; and for obviating the effects

effects of this, opiates are useful, and always proper, when no particular contra-indication prevails *.'

Nullae aliae opium tentandi occasiones adhuc mihi sunt subministratae. Cum vero in tempus, in casibus supra positis, manifeste profuerit, plura ejus pericula in posterum facere decrevi.

Insuper, forsitan a nonnullis usum opii sputum supprimendo consilio, quod pulmones ipsi leventur suadet, supra proposito adversari contendetur. Opium vero, Culeno teste, sputum non diu impedit, quod somnum post arctum facilius efficitur. Idem sentit Swietenius: 'Metuunt quidam, inquit, ne sputa supprimantur ab opiatibus, et sic pulmo infarciatur magis; verum bona fide asserere possum, quod post pacatum somnum semper viderim in phthificis faciliorem expectorationem, matutinis horis, et quidem puris omni dote boni.'

Consilium,

* First Lines of the Practice of Physic.

Consilium, *terio stadio subsistente*, est proclivitati ad putredinem omni ratione occurrere.

Cum morbus ad ultimum suum stadium pervenit, vires systemati debilitato reddere quam maxime conandum. Hoc consilio, is cibus, qui plurimum alimenti praebet, adhibendus, et, quolibet languore singulari urgente, optimum vinum, et denique, quicquid aegrotus exoptat, id hoc morbi tempore dare licet. Quam maxime liberaliter cortex Peruvianus debet assumi: ‘Hujus efficaciam, inquit Mortonus, frequenter et debitis intervallis repetiti, ad supprimendos paroxysmos febriles, saltem pro tempore, saepissime cum successu felici expertus sum; adeo ut aliquorum phthisicorum, pro deploratis jam habitorum, vitam frequente ejus usu non tantum per plures menses, verum etiam annos, protractam esse viderim.’ Diarrhoea coercenda est, quod opium efficacissime praestat. Quare medicamenta opiata, judicio auctoris modo dicti, non tantum frequenter, verum etiam liberali manu, exhibenda.

Opio

Opio adjungi possunt alia adstringentia gummique Arabicum solutum. Fructus subacidi liberaliter sumpti vi sua antiseptica forsitan juvabunt. In alvum immitti possunt enemata, praesertim ex amylo confecta, et aër fixus, qui in diarrhoeis febrium putridis dicitur prodesse. Cum hic in cancris et ulceribus phagedenicis utilis fuerit repertus, inhalatus pulmonibus ipsis forsitan succurret. Percivallius refert, triginta et plures ultimo phthiseos stadio laborantes eo hunc in modum esse usos, febrim hecticam compluribus non parum imminutam, et sputum minus foetidum meliusque concoctum evasisse. Dr Withering quoque testatur, unum phthificum, hoc aëre inspirato, ex toto convaluisse, alterum se melius habuisse, et tertium, qui pro deplorato habitus est, vivum ultra duos menses esse conservatum.

Quidam olim phthisin pulmonalem pro morbo contagioso habuerunt, et hodie, etiam, ut celebris Howardus refert, medici Italici rem ita sese habere credunt. Igitur in nosocomiis suis hoc morbo laborantibus
cubacula

cubicula a reliquis disjuncta tribuunt, et ad eos non minus caute, quam ad peste conflictantes, accedunt. Cum in privatis familiis semet ostendit, pars domus unaquaque pura reddatur et fumigetur, et supellex universa removeatur suadent *.

Mihi non improbabile videtur effluvia putrida, quae ab aegrotis oriuntur, morbum in iis, qui ad eum sponte naturae proclives sunt, movere, vel in morem causae excitantis agere posse, sed alios afficere nequire. In sententiam vero contrariam ivit Swietenius, qui ait, ‘Metus est, ne contagio in sanos propagetur morbus.’ Quinetiam Galenus affirmavit, periculum esse consuescere his, qui tabe tenentur, atque in totum cum omnibus, qui putridum adeo expirant, ut domicilia, in quibus decumbunt, graviter oleant.

Ex supra traditis in hunc morbum, cum secundum attigit stadium, medicinam parum posse abunde constat. Igitur ei incipienti occurrere pro virili conandum.

F

Inflam-

* Howard on the State of Prisons, &c.

Inflammatiō cum phthisin excitet, ea quae illam movent vitare forsitan unicum est, quod morbo venienti potest obistere. Omnes igitur caveant, ne vocem cantando, publicas orationes habendo, vel fistulas, tubas, aliaque instrumenta musica similia, inflando, nimis contendant. Namque comœdos et cantatores, si minima quidem ex parte ad morbum fuerunt proni, phthisi extingui semper notavi. Igitur illi, qui phthisi patient, quanquam valetudine commoda fruuntur, regimen antiphlogisticum ad gradum certum usque, dietam nempe plerumque e vegetabilibus, lacte, et fructibus constantem, debent adhibere; legibus certis obtemperant, superficiem corporis calidam teneant, et frigus hiemale regionem nostratam calidiorē mutando vitent. Plagam Madeirensē, ubi coelum fere semper sudum et ferenum est, laudibus effert Fothergillus; et memoriae prodit Gilchristus, phthisin raro in eos invadere, qui littora sicca et scopulosa tenent, sub aëre marino aetatem agunt, et testaceis victitant.

Caeterum,

Caeterum, ex alia in aliam regionem frequenter migrare, forsitan melius.

Mutandus locus est, et diversoria nota ;

Praeteragendus equus :—————

HOR. *Epist.*

Hanc dissertationem jam ad finem per-
duxi. Errores vero, quos angustiis tem-
poris inclusus, multisque aliis negotiis per-
necessariis districtus, parum cavi, mihi, uti
spero, lector facilis candidusque remittet.

F I N I S.

